

農林工
政見官



Sub
F-129.6
816

農林工商部政見宣言書

張



嘗此次出就部任大懼無以應現世之所需際此時艱不敢不出勉盡
屬望夙夜惴惴不能自已蓋際此時艱不敢不出勉盡
國民一分子義務然外觀時事內付精力此義務能盡
到幾分能收幾分之效以報我國人期望之萬一則毫
無把握况嘗從前初未嘗投身政界今猝然從諸君之
後與聞政事正在試驗時代甯可自信所可以告我國
人者惟矢此勤勤懇懇之心與國務院諸君交盡職責
而已不敢侈言政見也

嘗半生精力耗於實業艱難辛苦所歷已多而不敢謂

農林工商部政見宣言書

有所得也。實業之命脈無不繫於政治。閭嘗思就平日所受艱苦之點求所以扶之植之防維之又涵濡而發育之早夜以思彷彿若有所得而不敢謂其果可行也。視事以來日與國務院會議今日與諸君一堂相見敢不就實業一部份進行之計畫略陳愚陋以就正於諸君者就正於國人。

民國肇建內亂外患稠疊洊至借款累累債權四壓權政府度支之數用之於軍政之消耗猶恐不給然亦當以十之四十之三。謀生計之擴張。權人民漏卮之數則增加熟貨之輸出猶病未能然亦當就千之一百之一。

求輸入之低減。審此二義則政治上之進行蓋蹇蹇乎其難矣。列舉方策所謂扶植之防維之涵濡而發育之者蓋有四事

一當乞靈於法律。法律之作用以積極言則有誘掖指導之功以消極言則有糾正制裁之力。二十年來所見諸企業者之失敗蓋不可以卒數推原其故則由創立之始以至於業務進行在在皆伏有致敗之釁則無法律指導之故也將敗之際無法以糾正之既敗之後又無法以制裁之則一蹶而不可復起或雖有法而不完不備支配者及被支配者皆等之於具文前仆後繼纍

纍相望而實業於是大隳此可悲之事亦即譽所親見且累見不一見並嘗身經其苦痛者也現在世界以大企業立國而中國以公司法破產法不備之故遂將此曇花一現之基礎至於今日敗壞不可收拾斲喪人民之企業心合羣心耗散最可寶貴之資本不一而足故無公司法則無以集厚資而鉅業爲之不舉無破產法則無以維信用而私權於以重危此尤其顯著者加以自今而後經濟潮流橫溢大地中外合資營業之事必日益增多我無法律爲之防其危險將視無可得資時爲尤甚故農林工商部第一計畫卽在立法將來提出

關於農工商法案。若耕地整理法、森林保護法、工場法、及商人通則、及公司法、破產法、運輸保險等規則。尙望兩院平心審擇。迅予通過。俾本部得所依據。用策進行。一當求助於金融。農工商業之能否發展。視乎資金之能否融通。近十年來商場之困頓。不可言喻。蓋以國家金融基礎不立。而民間錢莊票號等金融事業。索索無生氣。重以倒閉頻仍。信用墜地。於是一國現金非遊蕩而無所於歸。卽窖藏而不敢出。總之金融家無吸收存款之機會。無以供市場之流轉。遂至利率騰貴。企業者望而束手。於是而欲求工商業之發展。雖有智者無

能爲役此亦嘗所親歷故知之甚深竊以爲爲今之計。惟有確定中央銀行以爲金融基礎。又地方銀行以爲之輔。勵行銀行條例。保持民業銀行錢莊票號之信用。改定幣制。增加通貨。庶幾有實業之可言。此事熊總理先已提出於國務院。嘗必與全院合力謀之。遇有關於此項法案。亦望兩院予以助力。及早施行。

一當注意於稅則。農工商之政策惟藉稅法爲操縱或輕減以獎勵之。或重征以抑制之。蓋未有不顧農工商之苦痛。而純然以收入之目的。爲徵稅之標準。猥曰苟且以濟國用者也。釐金與常關皆爲通過稅。世界皆曰

之爲惡稅徒以占歲入之鉅額忍不能捨百里一稅二百里再稅道途梗阻節節爲厲行之愈遠則商貨成本愈重是禁制商貨之流通迫其近售而罰其遠行者也商貨遠行則有罰是烏可言商政。抑遏塞商貨以強取民財又烏可言財政。至國際貿易全視關稅爲之損益各國通例出口貨多無稅吾國則不然若絲若茶若棉若其他土貨有國際之競爭者莫不有稅是抑制輸出也抑制輸出是謂自敝政策惟關稅有條約之關係尙待協商若釐金常關爲內國之惡稅抱持不捨則百業日以消沈悠忽數年而國民生計斷喪無餘矣故本部

亦亟以此事提出國務院。謀所以提倡保護工商業之道。仍望兩院助成之。

一當致力於獎助。凡大企業資金鉅而得人雖實皆含有危險之性質。若航海遠洋漁業等則尤甚。故各國皆有獎勸補助之法。蓋誘掖之使之發展。即所以爲國家擴生計。增國力者也。惟獎勸補助宜有制限。獎勵須課其成效。補助則莫如保息。新設之公司。相其效用範圍之大小。保其三釐或五釐之年息。假如新立公司資本達千萬。則保息之資平均僅四十萬倍之。則八十萬以三年爲限。即歲有增加。盡三年亦不過一百二十萬新

舊遞嬗而一國之實業於是勃興矣。國家籌僅少之費而民業有日興之象。稅源既活則國用自充。其利至溥。故本部深願以此爲積極進行之策。仍望兩院對於豫算案。予以贊助。俾得所藉手。用福國民。

凡此四事皆農工商行政範圍中應行之事。而以蹇艱難困苦中經驗所得。尤視爲一日不可緩。故今日所以告我國人者。祇此蹇對於實業上抱持一種主義。謂爲棉鋏主義。以爲今日國際貿易大宗輸入品。以棉爲最。各國棉工廠紗錠數目。英美各國無論矣。英五千七百七十三萬一千八百二十九錠。南美一千七百八


十六萬四千三百九十九椀。北美一千四十三萬五千八十三椀。近考之曰。本土地面積小於我二十倍。人口少於我八倍。而紗椀至一百七十三萬一千五百餘椀。而吾國合中外之廠。僅八十一萬。查近十年中海關貿易冊。棉輸入額多至一萬八千餘萬。此乃海關估價核之市價。近且及倍。鐵需用極大。而吾國鐵產極富。以至富之鑛產。應至大之需要。歲可得數千萬。一出一入。相差之度。不可以道里計。贏數萬萬。與絀數萬萬。在國民生計上。當受何等影響。此不待智者而知也。欲贏此數萬萬。當用何法。則惟有并力注重輸入額最高之物。

爲捍衛圖存之計。若推廣植棉地。紡織廠。是又惟有開發至大之富源。以馳逐於世界之市場。若開放鐵鑛。擴張製鐵廠。是惟爲之左右。爲之前後者。尙宜有各種之規畫。以期發展而穩固。嘗調查各國棉工廠紗錠數目。與夫世界鐵工之需要。而我國地藏之可惜。驚心動魄。不能不生無窮之希望。故此一種主義。敢自信爲適當。至若何舉辦。則視乎人。視乎財。視乎國力。總之政治能趨於軌道。則百事可爲。不入正軌。則自今以後。可憂方大。區區部務。更何足言。所願與諸君共勉焉。

農林工商部政見宣言書

十二





112330

共和印刷有限公司代印